

I - AKTI OPĆINSKOG VIJEĆA -

Na osnovu člana 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH" broj 6/06), člana 8. stav 3. alineja 16. Zakona o principima lokalne samouprave u Federaciji Bosne i Hercegovine («Službene novine FBiH» broj 49/06) i člana 25. stav 1. tačka 2. Statuta Općine Zavidovići ("Službeni glasnik Općine Zavidovići" broj 5/2008 i 5/a/2008) Općinsko vijeće Zavidovići na 16. sjednici održanoj 12.12.2009. godine, donijelo je

ODLUKU**o izmjenama i dopunama Odluke o bezbjednosti i organizaciji saobraćaja na cestama općine Zavidovići****Član 1.**

U članu 26. stav 1. Odluke o bezbjednosti i organizaciji saobraćaja na cestama općine Zavidovići („Službeni glasnik općine Zavidovići“ broj 6/2008) riječi: „udruženja boračkih populacija“ zamjenjuje se riječima: „pravno lice“.

Član 2.

U članu 26. iza stava 2. dodaje se novi stav 3. koji glasi: „Općinski načelnik će donijeti pravilnik kojim će bliže regulisati postupak raspisivanja javnog oglasa za dodjelu parkirališta, podnošenje prijava na javni oglas, sadržaj prijava, imenovanje i sastav komisije, nadležnost komisije, kriterije za odabir najpovoljnijeg kandidata za dodjelu parkirališta, pravo na pravni lijek, zaključivanje ugovora i ostala pitanja značajna za provođenje postupka dodjele parkirališta pravnim licima radi pružanja usluga i održavanja javnih parkirališta uz naplatu, rezervaciju parking prostora za stanare i vlasnike poslovnih prostora“.

Član 3.

U članu 73. stav 1. alineja 5. mijenja se i glasi:« ulica «Ćumurana» – tri posebna objekta i to kod bivše "Centrove" prodavnice, prije skretanja za ulicu «14.april» i 200 metara prije i poslije raskrsnice sa ulicom «Majdanski put»,».

U članu 73. stav 1. iza alineje 8. dodaju se nove alineje 9. i 10. koje glase: „u ulici "Stjepana Radića"- jedan poseban objekat i to na lokaciji od ulaza u dvorište JU «Opća gimnazija» do raskrsnice ulica «Stjepana Radića», «35. divizije» i «Sarajevska»,

U ulici «Mehmeda Spahe» dva posebna objekta i to na lokaciji 100 metara nakon raskrsnice sa ulicom «Ćazima Vikovića-Vike» i na lokalitetu odvojka prema domu u naselju „Podklečje“.

Član 4.

Ova Odluka stupa na snagu prvog dana od dana objavljivanja u «Službenom glasniku Općine Zavidovići».

OPĆINA ZAVIDOVIĆI
- OPĆINSKO VIJEĆE -

PREDSJEDAVAJUĆI
OPĆINSKOG VIJEĆA

Broj: 01-27-3167/09

(M.P.)

ing. Radosav Petrović, s.r.